



Ministry of Civil Affairs

Broj: 14-16-3-19-8/23

Sarajevo, 29. 1. 2024. godine

Na osnovu člana 69. stav 2. tačka d) i člana 70. Zakona o javnim nabavkama BiH (Službeni glasnik broj 39/14 i 59/22), ministrica je donijela

ODLUKU
o poništenju postupka nabavke

I

Poništava se postupak javne nabavke usluga realizacije aktivnosti iz programa rada Eurydice mreže LOT 2 koji je proveden u skladu sa postupkom dodjele ugovora o uslugama iz Aneksa II. Zakona o javnim nabavkama.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke je konstatovala da je rok za dostavu ponuda 23. 1. 2024. godine do 10:00 sati, te da je do navedenog roka na protokol Ministarstva civilnih poslova Bosne i Hercegovine pristigla 1 ponud i to ponuđača: Udruga trenera CEFE u Bosni i Hercegovini, Banja Luka. Neblagovremenih ponuda nije bilo.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da je ponuda ponuđača Udruga trenera CEFE u Bosni i Hercegovini, Banja Luka nepravilna iz razloga što nije dostavio Prilog 2.b ovjeren od strane ponuđača Javnog poziva za dostavljanje ponude za nabavku usluga realizacije aktivnosti iz programa rada Eurydice mreže, nego je dostavio korigovan obrazac na kojem nije naveden rok važenja ponude, te se iz tog razloga rok važenja ponude nije mogao utvrditi. Osim toga, navedeni ponuđač nije preuzeo Javni poziv sa Portala javnih nabavki, iako je članom 9. stav (1) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH", br. 80/22) jasno propisano da korisnik Portala javnih nabavki preuzima tendersku dokumentaciju sa Portala javnih nabavki. Iz navedenih razloga ponuda ponuđača Udruga trenera CEFE u Bosni i Hercegovini, Banja Luka je odbačena. Iz navedenih razloga ponuda ponuđača Udruga trenera CEFE u Bosni i Hercegovini, Banja Luka je odbačena.


Komisija je predložila donošenje odluke o poništenju postupka nabavke za LOT 2, u skladu sa članom 69. stav 2. tačka d) Zakona o javnim nabavkama iz razloga što nijedna od primljenih ponuda nije prihvatljiva.

Na osnovu prijedloga Komisije, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili mu je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.

MINISTRICA



DOSTAVITI:

1. *Ponuđaču - elektronski*
2. *Web stranica Ministarstva – na objavu*
3. *a/a*